

Vom Ritterlichen Schiessen  
Gott helff mir zum Anfang/  
Geb gut Mittl/ vnd  
Ausgang.

**A** Es man zalt Tausent fünff hundert jar/  
Auch drey vnd siebenzig fürwar/  
Den neunten Augusti merck mich eben /  
Was sich mit mir hatte begeben /  
An einem Sonntag/ ich euch meldt/  
Nach dem Kirchgang/ hett ich kein gelt/  
Da dacht ich mir in meinem Sin/  
Wo wiltu aus/ wo wiltu hin /  
Du magst ja nicht da heimen sijn /  
Die finger saugn/ vnd negel spikn/  
In dem kam mir in meinem mut /  
Vnd dacht/ das wirdt ja werden gut/  
Spazirn zu gehn im grünen Walde/  
Ich stundt flugs auff vnd thet das bald/  
Gieng in dem Felde vff vnd nieder /  
Vnd in dem Walde hin vnd wider/  
On gelt/ war mir mein sinn betrübt/  
Vnd fand gar nichts das mir da liebt/

Doch